

Rezolucija A/66/209

Promoviranje efikasnosti, odgovornosti, efektivnosti i transparentnosti javne uprave jačanjem vrhovnih revizionih institucija

Generalna skupština,

Podsjećajući se na rezoluciju Vijeća za socijalna i ekonomska pitanja broj 2011/2 od 26. aprila 2011.,

Nadalje se podsjećajući na rezolucije 59/55 od 2. decembra 2004. i 60/34 od 30. novembra 2005. i ranijih rezolucija o javnoj upravi i razvoju,

Imajući u vidu i Milenijumsku deklaraciju Ujedinjenih naroda,¹

Naglašavajući potrebu jačanja efikasnosti, odgovornosti, efektivnosti i transparentnosti javne uprave,

Naglašavajući činjenicu da efikasnost, odgovornost, efektivnost i transparentnost javne uprave igraju ključnu ulogu u implementaciji međunarodno priznatih razvojnih ciljeva, uključujući i Milenijumske razvojne ciljeve,

Naglašavajući potrebu za izgradnjom kapaciteta kao instrumentom za promoviranje razvoja i pozdravljajući saradnju Međunarodne organizacije vrhovnih revizionih institucija i Ujedinjenih naroda u ovom pogledu,

- 1. Prepoznaje da vrhovne revizione institucije mogu izvršavati svoje zadatke na objektivan i efektivan način samo ukoliko su nezavisne od subjekta revizije i zaštićene od vanjskog uticaja;*
- 2. Nadalje prepoznaje značajnu ulogu vrhovnih institucija za reviziju u promicanju efikasnosti, odgovornosti, efektivnosti i transparentnosti javne uprave koje vode do postizanja nacionalnih razvojnih ciljeva i prioriteta, kao i međunarodno priznatih razvojnih ciljeva, uključujući i Milenijumske razvojne ciljeve;*
- 3. Cijeni rad Međunarodne organizacije vrhovnih revizionih institucija na promoviranju većeg nivoa efikasnosti, odgovornosti, efektivnosti i transparentnosti, i efikasne i efektivne upotrebe javnih sredstava za dobrobit građana;*
- 4. Uvažava i cijeni Limsku deklaraciju o pravilima revizije iz 1977. godine² i Meksičku deklaraciju o nezavisnosti VRI iz 2007. godine³ i potiče zemlje članice da primjenjuju, u skladu sa svojim nacionalnim institucionalnim strukturama, principe sadržane u ovim deklaracijama;*
- 5. Potiče nastavak i jačanje saradnje, uključujući i izgradnju kapaciteta, između zemalja članica i relevantnih institucija Ujedinjenih naroda sa Međunarodnom organizacijom vrhovnih revizionih institucija, u cilju promoviranja dobrog upravljanja osiguravajući efikasnost, odgovornost, efektivnost i transparentnost putem jačanja vrhovnih institucija za reviziju.*

¹ Vidjeti Rezoluciju 55/2.

² Limska deklaracija o pravilima revizije usvojena na 9. kongresu INTOSAI-a, Lima, 17.-26. oktobar 1977.

³ Meksička deklaracija o nezavisnosti VRI usvojena na 19. kongresu INTOSAI-a, Mexico City, 5.-10. novembar 2007.